


Yanomami pëmakini ipa kahiki wã pëma të wã ha oniprarini
pëma të wã kohipapë!



Nomeru 7



Hei utupë a rë kui, presidente kë e. Napë pëni presidente yaremahe.

Yanomami të pë urihipi noaha napë pata pë tayoma

Kihami, **Brasilia** hami, napë pata të pë hirao tarei. Hei sitate a rë kui hami, të pë noa tayouwei. Të pëni Yanomami pë urihipi hereamou kupërëi. Hei urihi ai napë pëni puhi wayuyou yaro, të pë hereamou kōoma. Exi të ha yamakini Yanomami pë urihipi atahupraimi? Inaha të pë warima. Maxitahami ouro a titia yaro, pë mau u xamimaimi yaro, yaro pë no motahawë yaro, Yanomami të urihi ha, napë pëni yai peximai. Kua yaro karipero pë huimai xoa.

Yëtuha, **Presitete**, napë yai patani, Yanomami të urihi nowamama, papeo sikini. Napë pata pëni wã ha harini, papeo siki pataha të pë onima. Hei papeo siki pata rë kui napë pëni **Kōsitituisão** nakathe. Weti naha napë pata puhi kuu hei papeo siki pou. Kamani papeo siki taprarema tëhë, inaha a kuma: hei siki ya ha taprarini, ai napë pë hai mai kë të, napë yamakini puhi wayuyou mai, Yanomami pë urihipi. A kuma makui, napë pë kōmi hiripranomi. Ai presidente kupranioma yaro, hei napë pëni papeo siki hoyai xi totihitawë. Të pë ha hoyarini, Yanomami pë urihipi të pëni tërëi. Kua yaro **Brasilia** hami të pë hereamou xoa.



Hapa, napë pë kuo mao tëhë, **Brasil** të urihi hami, Yanomami pëxo, Waika pëxo, ai teri pëxo përioma. **Sitate** pë kuonomi, napë pë yai mi. Hei teri pë rë hapa përioma, napë pëni **índio** hirakemahe. Ai **índio** pë urihipi napë pëni pree puhi wayuyou. Ehi pëni **Makuxi** të urihi kã peximai yaro, **Brasilia** hami të pë hereamou kōo.



Mexiko teri pē tē wā oni

Prahaihami Luisxo Simonexo kē kipi huhērīma. **Mexiko** hami kē kipi huma. Kihami, napē pē kuo mao tēhē, **Asteka** teri pē pērioma. Hei pē rē kui yai puhi moyawē yaro, tē pēni nahi pata tapraremahe, maa ma pēni. Ëhi pēni hei nahi yai pata **piramite** nakaremahe. **Piramite** pē tuo hami tēpēni moko pē xēmaremahe, hekura pē iha. Tē pēni pei iyē topērema. Hekura pē pata iha. Tē pē ha topērini hekura pē puhi topraroma, inaha tē pē puhi kuu tarema.

Asteka teri pē onimai tai totihioma yaro kama puhi pē nowamama. Yaro pei sikiha tē pē onipraremahe. **Calendario** pē tapraremahe, maa maha.



Asteka teri pē kǎi hikarimoma. Tē pēni yono mokixo, pee nahexo, xinari pei u moxo, pohoroa xo, pē kearemahe.

Asteka teri pē ahetehami ai teri kǎi pērioma, hapa. **Maia** teri pē pata hekuramou mahioma. Puriwari pēha tē pē tararema. Tē pē ha mirēni, calendario pree tapraremahe.



*Hēyēmi,
Yanomani
pē
xaponopi*

*Ai tē hami,
Azteca pēxo,
Maia pēxo, pērio
no kupērexī.*

Asteka teripēxo, **Maia** teripēxo puhi moyawē ohoteoma makui, kōmi mori nomarayoma, **Espanha** teripē warokema tēhē. Hei napē pē rē kui wayu hurayoma, Mexico hami. **Asteka** teripēxo, **Maia** teripēxo, pē rē xomi yaro, **Espanha** teripēni xēpraremahe, mokawa pēni, xawara pēni. Napē pēni **Asteka** pē yaxuremahe, kama pē nahi kǎi iximaremahe. **Espanha** teripē yai napēmoma, tē pēni **Asteka** nohi waripoma. **Asteka** pē rē temi xoama iha **Espanha** teri pēni oho tamomama. Ëhi pēni **Asteka** teriyoma tē pē nikerēoma.

Maia teripē xomi onipraremahe makui, kama puhi tē pēni nowamama. Tē pē mori maprarioma makui pē puhi kua xoa, hei tēhē, tē pē onimama yaro.

